



- EDITORIAL • RÂL VÊNGTU • CHHÛNGKAW CHANCHIN
- » CENTRAL KÏP ROREL INKHAWM VAWI 9-NA
- » KOHHRAN HMEICHHE INKHAWMPUI LIAN 2021 A ÏIAK TA
- » BIAK IN MITTHI VUI INKHAWM DAR VUAK DAN TIHCHIAN THU

RNI 68092/83 Regn. No. N.E. 1024
From
 Synod Literature & Publication Board
 Synod Office, Aizawl - 796 001
 Mizoram. Phone: 0389-2324590

SYNOD *Newsletter*

Volume XXXVI

No. 3

E-mail: synodnews@gmail.com

MARCH 2021

LÂWRKHAWM

MIZORAM CHRISTIAN COLLEGE (MCC)

Mizoram Christian College, Aizawl chuan March ni 8, 2021 (Thawhtanni) khân International Women's Day denchhenin an college, Synod Higher Secondary School campus-ah hun an hmang. Prof. Lalbiakdiki Hnamte, Director, College Development Council, MZU leh Pi Zirkungi, Principal, Synod Higher Secondary School-te chuan khuallian leh khual zahawm niin hun an hmanpui a ni.

CHOIR CONDUCTORS' TRAINING KHAR

March 2-5, 2021 chhûng khân Synod Worship Department buatsaihin Bûngkawn Kohhran Golden Jubilee Hall-ah Choir Conductors' Training neih a ni a. He Training-ah hian mi 56 zet an tel a ni. March 2, 2021 (Thawhlehi) chawhma dâr 10 khân training hawwna inkhâwm tawi neih a ni. Training chhûng hian zaipâwl rawngbâwlna atâna thil pawimawh hrang hrang - Musical Terms & Signs, Conducting, Harmonisation, Scales leh thil chi hrang hrangte Worship Department-a Music Instructor ten an zirtîr a ni.

March 5, 2021 (Zirtâwpni) chawhnu dâr 3 khân training khârna inkhâwm neih a ni a, khârna inkhâwm hi Rev. K. Lalrinmawia, Executive Secretary-in a kaihruai a, Synod Moderator Rev. Dr. C. Lalhlira'n thuchah sawiin training-a telte hnênah Certificate hlânin Senior Music Instructor Pu H. Lalrinmawia'n report a pe bawk.

THAWKTU THAR

Synod Service Board chuan Asst. Coordinator (Regular) leh Presbyterian Communication (PRESCOM)-a Asst. Manager (Contract) hna thawk tûrin a hnuai mite hi a la thar a, March 8, 2021 (Thawhtanni) aţangin an zawm nghâl.

Asst. Coordinator:

Lalhmunzauva Tlau

s/o B. Lalnuntluanga, Chanmari

Agnes Lalrinzuali

d/o Dr. Gilbert Lalrinliana (L), Tlangnuam West

Asst. Manager:

Zonunsanga

s/o Upa Lalrinmuana, Upper Republic

TLAWH THEIH

March 15, 1891-a Rev. William Williams-a'n Mizote hnêna Chanchin Tha a hrihna hmun (Mizorama Chanchin Tha thlen hmasak berna), Tlawng lui kam, Mualvûm kai Kutbûl lui chhuah chu a duh apiang tân tlawh theih a ni e.

- Secretary, Presbyterian Kohhran,
 Kâwnpui Chhim Vêng
 Ph.: 9862383206, 9862927610

SYNOD EXECUTIVE COMMITTEE

VAWI 290-NA A ÏHU

Mizoram Presbyterian Kohhran hnuai Committee sâng ber, Synod Executive Committee (SEC) vawi 290-na chu February ni 23-25, 2021 chhûng khân Synod Office-a J.M. Lloyd Hall-ah a Ïhu a, Rev. Dr. C. Lalhlira, Synod Moderator chuan rorel kaihruaiin thu pawimawh tak tak an rel.

Tun Ïum SEC-ah hian thurel tur (agenda) pawimawh tak tak a lut a, chung zinga rorel thu pawimawh zual, Kohhranhote hriat âwm chi langsâr zual tlêm azâwng lo târ lang ila:

1. Kum 2021-2023 chhunga Kohhran Hmeichhe Inkhawmpui Lian Chairman atan Pi Sailuti, Thakthing Veng, Aizawl leh General Secretary atan Pi H. Lalfakmawii, Synod Office te ruat an ni.
2. Ei leh bara intodelh tura hmalak rawtna chungchang chu Synod Social Front hmalak mekna a ni a, Synod Social Front hian uar zawkin hma la rawh se, tia rel a ni.
3. Ram pum huap Ïawngta rual buatsaih chungchang (2020 Synod Gen. 5) chu OM bawhzui tura dah a ni.
4. Synod Calendar kalphung tihdanglam rawtna chu hman nghal tura lo bawhzui turin OM ruat a ni.
5. Kohhran tê leh harsa zawkte Ïanpuia dâwm chhuah dan tur ruahmanna bawhzui chungchang chu Synod OM bawhzui tura dah a ni a, Ïul dang a awm chuan SEC-a thlen leh tura rel a ni.
6. Ramthar Manual en Ïhat dilna chu lo en Ïhaa, rawtna nen SEC-a thlen leh turin Ramthar Board ruat an ni.
7. Mizoram Presbyterian Kohhran leh Presbyterian Church of Wales inkungkaihna Ïha zawk neihna tura rawtna chu Synod Partnership Committee bawhzui atan dah a ni.
8. MSSU inkaihruaina en Ïhat dilna chu a en Ïha turin MSSU Committee ruat an ni a, an en zawh hnuah SEC-a thlen leh tura rêl a ni.
9. Synod Recruitment Rules and Schedules 2019 leh Synod Service

Rules 2018 en Ïhat dilna chu Synod Service Board en Ïhat tura tih a ni a, SEC-a thlen leh tura tih a ni.

10. Synod Hospital Service Manual en Ïhat rawtna pawh Synod Hospital Board en Ïhat tura tih niin an en zawhah SEC-ah thlen leh tura tih an ni bawk.
11. Synod Pension Dan 2014:IXB kalpui dan tur chungchang chu Synod-a thlen leh tura en fel tur leh SEC-a rawtna thlen turin mi panga ruat an ni.
12. Kristian Hla Bu en nawn chungchang chu Synod Worship Committee bawhzui tura rel a ni.
13. Synod School Manual en Ïhat rawtna chu Synod Education Board kutah siam Ïha tura tih a ni a. Anni hi hman nghal theih tura lo siam turin tih an ni.
14. Aizawl khawpui chhunga tualchung Kohhran Pavalai Pawl OB-te leh Bial Kohhran Pavalai Pawl Committee Member-te tan Presbytery huap Discipleship Training buatsaih rem tih a ni a. Hemi atana Presbytery dawr dilna pawh rem tih a ni. A Ïul ang lo bawhzui turin Synod Revival Committee ruat an ni.
15. John Williams Hospital tana society registration neih dilna chu Synod Hospital Board bawhzui atana dah a ni.
16. Synod sikulte firms & society registration chungchang chu Synod Education Board bawhzui tura dah a ni bawk.
17. Synod department hrang hranga thawktu 26-te chu March ni 1, 2021 aţangin an hnaah dah ngheh an ni.
18. Synod Higher Secondary School-a zirtirtu, contract-a thawk mek pahnihte chu January ni 20, 2021 aţangin an hnaah dah ngheh an ni.

SYNOD Newsletter

EDITORIAL STAFF

Rev. Dr. C. Chawngmingliana
Rev. B. Sângthanga
Upa H. Ronghâka
Upa C. Thanga

Editorial

PATHIAN CHUNGA LAWM NACHANG HRIAT

Inthiarna hmun pakhatan hian he thu ziak hi a intâr a: **Harsatna nei hauh lo va i zung thei leh i e thei hi Pathian hnenah lawmthu i sawi ngai em?** Ngaihtuahna a ti thui hle mai. Damdawi inah kal ila zung hlei thei lo leh e hlei thei lo te, Oxygen nêna țang kawp chung pawha thaw țawk țawk an va tam êm! Rilru harh fîm vek si, che sawn thei lo leh engmah sawi thei baw si lo te. Ke a kal chak ve êm êm, tiang nêna pawha kal hlei thei lo te pawh an va tam tak êm!

Hmun hla zawk thlîr ila, khawpui kawthlêra kutdawh rilțâm tih hriat ngawih ngawih, ei tûr nei si lo tamzia te kan hmu ang. Piansual dân mak êm êm maia piangsual tlat mai te pawh hmuh tûr an awm zêl. Retheih luat avânga rûk rûk ringawt maia eizawngte pawh duh aia tam hmuh tûr an awm zêl baw. Thlasik khaw vâwt êm êmah pawh mut lumna tûr nei lo, mi bathlara puahlap pakhat nêna riak mai mai pawh kawthlêr tin deuthawah hmuh tûr an awm. An va khawngaihthlâk si êm!

Chutiang harsatna tâwka mi tam tak an awm lai chuan mahni lam han inen ila an ni aia țhat bîkna pawh nei chuang hauh si lo, chutiang harsatna nei lo va kan han awm bîk hi Pathian hnênah lâwm thu sawi nachang kan hria em aw?

Mahni dinhmun aia midang dinhmun țha zawka dingte kan en hian lungawi a har țhîn. Mahni aia dinhmun harsa zawk leh hrehawm zawk dingte en erawh chuan kan chung Pathian țhatzia kan hmu țhîn. Mahni aia chan chhe zawkte dinhmun ațang hian Pathian malsâwmna a lang fiah tlat mai hi thil mak tak chu a ni. A chhan chu kan țhat bîk vâng pawh ni lo va dinhmun chhe bera min dintîr lo tlat mai hi Pathian malsâwmna liau liau a ni a. Chuvâng chuan Pathian chung lâwm nachang hre mai tûr kan va ni êm!

Phêk 1-na zawmna...

- Field worker Pastor leh Pro. Pastor-ten Synod hnuai New Pension Scheme an zawm rem tih a ni a, a bawhzui turin Synod Mission Board ruat a ni.
- Kum 2020 khan Covid-19 hripui avanga MSSU Pathian thu exam a tak theih loh avangin, medal dawng thei tura kum zawn chhiarnaah kum 2020 hi chhiar tel lovin kum 2021-ah chhiar zawm leh mai tura rel a ni.
- TMS, Khasan, Arunachal & Assam Mission Field East khuan CBSE an zawm a. CBSE chuan a hnuai sikulte
- chu website nei vek tura a tih avangin, TMS sikul tan hian website neih rem tih a ni a, Synod Mission Board office bawhzui tura dah a ni.
- Rev. K. Lalrinkima, Administrative Secretary, PCI chu PCI Executive Committee-in kum 2021–2024 chung atana term pawh sei a dil chu rem tih a ni.
- English Congregation Pastor Incharge atan Rev. Laltharzuala, Asst. Professor, MTC chu ruat a ni a, April ni 1, 2021 ațangin a thawk țan ang.

BIAK INA MITTHI VUI INKHÂWMA DÂR VUAK DÂN TIHCHIAN THU

Minister, Pastor, Pro. Pastor leh Active upa thi, Biak Ina vui inkhâwma dâr vuak dân tûr hi mitthi dâr vuaka a muang/a khâta vuak tûr nge, inkhâwm dâr vuak pangngaia vuak tûr tih chungchâng tihchian țul tih thu SEC-ah a lo lût a. Synod Executive Committee chuan ngun takin a ngaihtuah a. Biak In dâr vuak Kaihhraina 1995 Synod Gen. 21; SEC 152:6 Appendix 1; SEC 258:69 of Nov. 10-12, 2015 leh Pastoral Ministry Kaihhraina 2016 bung IV:F (phek 37) te pawh a thlîr tel a. A hnuai mi ang hian SEC chuan a hrilhfiah a ni:

'Minister, Pastor, Pro Pastor leh Active Upa thi, Biak Ina vuina Inkhâwmah dâr hmasa leh dâr nawn dân chu Pathian Biak Inkhâwm pangngaia dâr vuak dân leh dâr nawn dân anga vuak zêl tûr a ni e,' tiin (Vide SEC 290:34 of February 23-25, 2021).

Biak Ina mitthi vui inkhâwma dâr vuak dân tûr SEC-in a tihchianna hi Tualchhông Kohhranin lo hriata zawm tlân țheuh tum tûr pawhin kan ngên a ni.

Sd/- UPA LALRINMUANA
Secretary
Mizoram Synod

KTP ROREL INKHAWM VAWI 9-NA

March ni 6-7, 2021 chhông khân Chaltlâng Kohhran Biak In-ah KTP Rorel Inkhâwm vawi 9-na chu hman a ni a. March ni 6 (Inrinni) nilêngin ro rêl a ni a, March ni 7 (Pathianni)-ah Pathian Biak Inkhâwm leh thua inpawl hona neih a ni.

KTP Rorel Inkhâwmah hian Bial aiawh palai 205 an kal thei a, rorelna tel zawng zawng hi mi 236 an ni. Youth Recreation Centre pualin member tina pawisa khawn leh rêl a ni a; Aizawl khawpui chhôngah member pakhatan ₹80 zêl, District Hqrs. tân ₹50 zêl leh a bâk zawngah ₹30 zêl khawn tûra rêl a ni. Hei bâkah hian YRC puala zan khat inkhâwm thawhlâwm lâk khâwm leh bial tina special budget siamte remtih a ni baw. Hospital Charity Fund pual leh KTP General Conference thlengtu puih nân zan khat inkhâwm thawhlâwm lâk khâwm rêl a ni a, HIV/AIDS dova hmalâk chhunzawm zêl tûra rêl a ni baw. Ram pum huapin - Mizoram tân, ruihhlovin a tihbuai mekte tân, Covid-19 vanga harsatna tâwkte tân, ram hruaitute leh rawngbawltute tân chaw ngheia țawngțai neih tûra rêl a ni.

KTP Rorel Inkhâwm vawi 10-na, kum 2023-a thleng tûrin Zemabâwk Kohhran ruat a ni a; tin, kum 2022-23 kum puan thupui atân **'Sual tinreng bul - tangka sum ngainat'** tih thlan a ni baw.

Pathianni chawhma inkhâwmah Rev. Dr. C. Lalhlira, Synod Moderator-in thuchah a sawi a; chawhnu inkhâwmah Pu Rorelkhima, Asst. Leader-in thuchah a sawi thung. Chawhnu inkhâwm bân inpawl honaah 'KTP leh kohhran rawngbawlina' tih thupui hmangin Rev. K. Lalrinmawia, Executive Secretary i/c KTP-in thu a sawi.

Tûn țum KTP Rorel Inkhâwmah hian Bial aiawh palai chauh intirh a ni a, zân lam programme siam a ni lo a ni.



Râi Vêngtu

Nu valai hmêltha tak tak hi Râi Vêngtu hnênah an lo kal khâwm a. "Râi Vêngtu, i râi vên thu hi i chhak chuak tam ta hle a. I thurâwn te hi kan zâwm tha bawkin i hria em? Eng nge min hmuh dân?" an rawn ti a. Râi Vêngtu chuan, "Mi hur zilh an sawi hi in ang berin ka hria," a lo ti a. Nuho chuan ner nâng nâng pahin, "Eng nge mi hur zilh kan anna, min va han hmusit êm êm ve," an ti ta kha kha mai a. Râi Vêngtu chuan, "E! Pite u, in hmuhsit lam a ni lo. Mizo upaten 'mi hur zilh ang' an tih chu zilhna leh thurâwn engahmah ngai lo, pawisa miah lo sawina a ni a. Thurâwn tam tak ka pe tawh che u-in, vawi tam ka zilh tawh che u a, in ngaipawimawh lo êm a, 'mi hur zilh in ang e' ka ti mai chauh a ni e." a ti a.

Nuho chuan, "Eng nge i thurâwn leh zilhna kan ngaih pawimawh loh chu min han hrilh la," an ti a. Râi Vêngtu chuan, "Kum hnih khat kal taah khan in hmanraw changkang lutuk- nau awmna khâwl te, dâwt sawina khâwl te ka rawn sawi kha âwnga thlâk ang hmak a ni a, ngai pawimawha zawm tum hmêl ka hmu tlat lo alawm. Ka'n sawi nawn leh thuak thuak teh ang. Puan sùk nân te, tui pump nân te, sa hem hmin nân te khâwl in hmang hi chu a tha lutuk. Naupang hi chu khâwl hmanga awm leh enkawl chi a ni ve lo. Mahse, nangni chuan in khâwl changkang Mobile phone hi nau awm tlei nân in hmang a. Nau chaw in hrai dâwn pawhin Mobile phone a naupang zâi leh lâm en lo chuan chaw pawh an ei duh tawh loh hi! Naupang tap thlêm nân, naupang chaw ei duh nân, nau awih mut nân te Mobile Phone zêl alâwm in hman tawh. Khâwlin nau in awm a nih ber tawh hi. Hetianga in kal zêl chuan in fate hma lam hun kal zêl tûr chu a ngaihtuahawm ngawt ang," a ti a.

Nuho chuan, "Aw! Râi Vêngtu i hnêna lo kal hi chu kan va hlâwk thîn tak êm! I thil sawi hi kan vawng reng tawh ang, tihhlawhtlin hrâm pawh kan lo tum dâwn nia," tiin an ðinsan leh ta rih a.

D.Th. ZIR DUH TAN

Mizoram Synod Theological Education Board chuan Synod mi rawihlaite pualin kum 2022-2023 chhûnga D.Th zir duh tân zirna a hawng dâwn a. Hêng department-ah te hian dîl theih a ni ang – *Christian Theology, History of Christianity, Missiology, Christian Ministry (Counselling).*

Synod mi rawih lai dîl duhte chuan ni 15.4.2021 (Ningani) aia tlai lovah a hnuai hming ziaik hnênah hian dîlna thehluh tûr a ni.

Rev. Dr. Vanlalngaha Ralte
Secretary

Synod Theological Education Board, ATC, Aizawl

SYNOD HOSPITAL, DURLÂNG THILPÊK DAWNTE (DECEMBER, 2020)

I. CHARITY FUND:

1.	Hmuntha Bial Kohran Hmeichhia	₹	3,000/-
2.	KTP, Kawrtethawng Bial	₹	5,000/-
3.	R. Lalrinmawia, Durlang Mel - 5,	₹	1,000/-
4.	Kelkang Bial	₹	30,000/-
5.	C. Lalthlengliana, Durlang North	₹	520/-
6.	Pu V.L Zahawma, Ramhlun North	₹	10,000/-
7.	Ratu Kohran Pavalai Pawl	₹	10,000/-
8.	Pi C. Thansangi, Durlang Leitan	₹	2,000/-
9.	KTP, Sihfa Bial	₹	5,100/-
10.	Chhiahtlang Bial Kohran Hmeichhia	₹	5,000/-
11.	Upa Zârzoliana, Borai Vêng, Zâwnuam - Pathiani zing chhûng inkhâwm thawhlâwm	₹	5,335/-
12.	Pi Vânlalduhi, Bawrai Vêng, Zâwnuam	₹	2,000/-
13.	Pu Lalkhuma Colney te chhûng, Behlehem Vêngthlang	₹	10,000/-
14.	Bethlehem Vênglai Kohran, Aizawl	₹	25,000/-
15.	Aizawl Kohran Hmeichhia, Vênglui	₹	30,000/-
16.	Vênglui Bial Kohran Hmeichhia	₹	10,000/-
17.	Upa H. Lalhira, Kulikâwn	₹	3,000/-
18.	Lalchhuansanga S/o Upa P.C. Lalsangluaia, Vênglui	₹	2,000/-
19.	KTP, Tuikhuahlang Branch, Aizawl	₹	15,000/-
20.	Chanmari West Hmârvêng Koh. Hmeichhia, Aizawl	₹	10,000/-
21.	Electric Vêng Kohran Hmeichhia, Aizawl	₹	30,000/-
22.	New Complex Kohran Pavalai Pawl, Aizawl	₹	10,000/-
23.	Christ The King Cathedral Church, Kulikâwn	₹	20,000/-
24.	Chanmari West Kohran Hmeichhia, Aizawl	₹	30,000/-
25.	Sel Foundation	₹	30,000/-
26.	Pu Zothansama & family, Republic Vêng, Aizawl	₹	3,000/-
27.	ENF, Synod Hospital Unit, Durlang	₹	20,000/-
28.	Pi Lalremi M/o R.C. Lalrêngpui, Zemabawk North	₹	2,500/-
29.	Chanmari West Bial Kohran Hmeichhia, Aizawl	₹	20,000/-
30.	Pu Saihira te chhûngkua, Durlang Leitan	₹	20,000/-
31.	Pu H.Siku (L) leh Pi Hrangkimi te chhûngkua, Ramhlun North	₹	30,000/-
32.	Upa Lalthawmliana Vârtê te chhûngkua, Durlang Leitan	₹	5,000/-
33.	Pu C. Lalbiaktluanga, Medical Record Assistant, Synod Hospital	₹	2,000/-
34.	VTR Computer Centre, Khatla	₹	1,000/-
35.	VTR Computer Centre, Durlang North	₹	1,000/-
36.	VTR Skill Training Centre, Khatla	₹	1,000/-
37.	VTR Solution, Khatla	₹	1,000/-
39.	Pu Zodinliana, Mission Vêng	₹	1,500/-
40.	Central YMA	₹	10,000/-
41.	UPC (NEI), Zemabawk Vêngpui, Aizawl	₹	10,000/-
42.	MHIP, Electric Vêng Branch, Aizawl	₹	10,000/-
43.	Albert Liantluanga, Ramhlun North	₹	20,000/-
44.	Pu R.Thangchhuaka, Ramhlun North	₹	10,000/-
45.	Pu Zothansanga te chhûngkua, E-41, Chawnga Road, Khatla	₹	50,000/-
46.	Pu R. Lalthazuala te chhûngkua, Durlang Leitan	₹	2,000/-
47.	R. Lalrohli & family, Chaltlang	₹	10,000/-
48.	Khawlaung Bial	₹	5,000/-
49.	Paulian's Welfare, 2004 - 2009 Batch, Mizoram	₹	30,000/-
50.	Pi C. Biakhhung & family, Durlang Suaka Vêng	₹	2,800/-
51.	Electric Vêngthlang Kohran, Aizawl	₹	10,000/-
52.	KTP, Zokhawthiang Branch, Zohmun Bial	₹	2,000/-
44.	Pi Hriathui, Mission Vêngthlang	₹	4,000/-
34.	Model Vêng Kohran, Aizawl	₹	50,000/-
45.	Upa Malsâwma tu leh fate, Kawnpui	₹	15,000/-
46.	Hming thup (Unknown)	₹	50,000/-
47.	Pu B. Thanliana, Chawnga Road, Khatla	₹	1,000/-
48.	Pu Eddie LZ Dinga, Durlang	₹	1,000/-
49.	Phunchhawng Kohran, Aizawl	₹	10,000/-
50.	KTP, Chhinga Vêng Branch	₹	10,000/-
51.	Pi Lalhrangzuali Sailo & family, Mission Vêngthlang - An pa Laldingliana Sailo (L) hriatreng nan	₹	10,000/-
52.	Ward Auxilliary, Synod Hospital, Durlang	₹	13,000/-
53.	Chanmari Kohran Hmeichhia, Aizawl	₹	20,000/-
54.	Bawngkawn Hmarveng Kohran Hmeichhia	₹	5,000/-
55.	Chanmari Kohran Pavalai Pawl, Aizawl	₹	10,000/-
56.	Pi Lalramsangi leh a fate, Durlang Mel - 5	₹	10,000/-
57.	Rev. Lalchama, Durlang Leitan	₹	5,000/-
58.	Head Office, Mizoram Cooperative Apex Bank, Aizawl	₹	1,00,000/-
59.	BCM, Ramhlun North	₹	20,000/-
60.	Com. Kiamlova, Kolasib	₹	3,500/-
61.	Sangmawipui Fanai, Staff Nurse, Synod Hospital	₹	3,000/-
62.	Falkawn Kohran Hmeichhia	₹	5,000/-
63.	Rev. R.Lalmawizuala, Damak, Nepal	₹	1,000/-
64.	Synod Hospital Taxi Welfare	₹	5,000/-
65.	Pu Liansanga te chhûngkua, Khatla	₹	2,00,000/-
66.	U.P.C., (NEI) Durlang Bial	₹	9,000/-
67.	KTP, Dawrpui Branch	₹	5,000/-

II. GRACE HOME TANA PE :

1.	Phunchawng Kohran Hmeichhia	₹	5,000/-
2.	KTP, Zemabawk North Bial - Krismas thilpek	₹	10,000/-
3.	Chhiahtlang Bial Koh. Hmeichhia - Krismas thilpek	₹	2,000/-
4.	Bungkawng Koh. Hmeichhia, Aizawl - Krismas thilpek	₹	50,000/-
5.	Love Project, C/o Dr. Lalchhanhima Ralte	Tab. Fluco-nazole 150 mg Box 10 (sawm)	
6.	Irene Lallawmawmi C/o C. Lalrinsangi	Tab. Bacrim DS Durlang MualVeng	Box 9 leh thingpui no set
7.	Chanmari West Koh. Hmeichhia, Aizawl - Krismas thilpek	₹	20,000/-
8.	Chhinga Veng East Kohran Hmeichhia	₹	10,000/-
9.	Y.M.A., Mission Veng Branch, Aizawl	Puan nuam 30	
10.	Laipuitlang Kohran Pavalai Pawl, Aizawl	Damlo tan Mattress 2	
11.	Leitan Kohran Hmeichhia	Lukham (Pillow) 10	
12.	Khatla Kohran - Krismas thilpek	₹	10,000/-
13.	The General Secretary, Central Y.M.A., Tuikhuahlang, Aizawl	₹	3,000/-
14.	R. Lalrohli & family, Chaltlang - Krismas thilpek	₹	5,000/-
15.	Varanasi Prayer Network, Mission Veng - Krismas thilpek	₹	5,000/-
16.	Khatla South Koh. Hmeichhia - Krismas thilpek	₹	5,000/-
17.	KTP, Zarkawng Branch - Krismas thilpek	₹	5,000/-
18.	Varanasi Prayer Network, Mission Veng - Krismas thilpek	₹	5,000/-
19.	Chanmari Koh. Hmeichhia Aizawl - Krismas thilpek	₹	10,000/-
20.	Pu Vanlalhlana, MLA, Mizoram - Krismas thilpek	₹	5,000/-
21.	Territorial Headquarters, Salvation Army, Aizawl - Krismas thilpek	₹	20,000/-
22.	Pu Liansanga te chhûngkua, Khatla - Damlo kanna	₹	10,000/-

III. THISEN PETUTE

UNIT ZÂT

1.	KTP, Bawngkawn Bethel Branch	29
2.	KTP, Hunthar Branch, Aizawl	19
3.	KTP, Republic Veng Branch, Aizawl	41
4.	KTP, Zemabawk Branch	33
5.	KTP, Kolkata Branch	22
6.	KTP, Zuangtui Bial	30

IV. THIL DANG PETUTE :

1.	Lalrokima, Durlang Leitan	Waiting shed-a thutna tur ₹55,000/- man min siam sak.
2.	Pu K. Vanlalkima, Durlang Mual Veng	Eye Ward tan Wall Clock
3.	Pu John Lalhriatpua & fly., Govt. An fapa Lalthlamuana Pachauu Complex, Aizawl	hriatreng nan Refrigerator
8.	KTP, Khawbung Pastor Bial	Thutthlengsei 6 leh Hmunphiah 30
13.	Pu C. Lalchamlia, Mission Vengthlang	Swabstick thahnem tak
17.	Hmunhmeltha Kohran Pavalai Pawl	Thutthlengsei 2
19.	BSI, Durlang Area, Aizawl	Ward-a hman tur Bible 13
20.	Pi Lalzikpui, Nursing Supdt (Rtd.), Saron Veng	Ward hrang hrang tan Sahbawn 200
22.	KTP, Luangmual Branch, Aizawl	Damlote leh thawkute tan ei tur ei tuhnai tak min pe
24.	Pu Lalramsanga, Bawngkawn Shalom Veng	Damlote ei tur Artui Box 2 min pe
24.	Upa C. Sawliana, Serkhan	Damlote ei tur Bawngnute 100 litres
21.	Durlang Kohran Hmeichhia	Dam lote ei tur chawhmeh lei nan
		Rs. 20,000/-
4.	Ramhlun Kohran Hmeichhia Krismas thilpek	₹20,000/-
5.	New Serchhip Kohran Hmeichhia (Kohran Hmeichhe Ni puala thil pek)	₹5,000/-
6.	Tuidam Pastor Bial	₹4,000/-
7.	Lalremmawii Chaltlang Dawrkawn, Aizawl, Krismas thilpek	₹ 5,000/-
9.	Aizawl Kohran Hmeichhia, Vênglui Krismas thilpek	₹30,000/-
10.	Vênglui Bial Koh. Hmeichhia, Aizawl Krismas thilpek	₹10,000/-
11.	Zopuii Pharmacy C/o C. Lalchhangliana, Near High School, Bethlehem Vengthlang	Damlo harsate tan ₹ 12,000/- Hospital tan
12.	Kanan Veng Kohran Hmeichhia, Aizawl	₹30,000/-
14.	KTP, Tuikual Branch, Aizawl, Krismas thilpek	₹ 20,000/-
15.	Sumsuih Bial Kohran Hmeichhia	₹ 4,000/-
16.	Diakkawn Kohran, Kolasib, Krismas thilpek	Rs. 50,000/-
18.	Lily Veng North Kohran Hmeichhia, Chaltlang	Krismas thilpek ₹10,000/-
23.	KTP, Dawrpui Branch, Aizawl, Krismas thilpek	₹5,000/-
25.	Pu Liansanga te chhûngkua, Khatla, K. Ward damlo kanna	₹20,000/-

Khawngaihna leh duhsaknaa thilpek min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Hêng in thilpek kan dawnte hian dam lo awm man harsate thlamuang takin a awmtîr bâkah Hospital mamawh tam tak min puhruk-sak baw a ni.

Sd/- REV. R. RAMDINMAWIA
Chaplain

HNA RUAK DIL THEIH

Mizoram Presbyterian Kohhran hnuaiia thawk tûrin a hnuaiia hnate hi a ruak a, kum 18–35 inkâr, ni 22.4.2021-a kum 18 tling, kum 35 la pumhlûm lo, zûk leh hmuama fihlîm, Presbyterian Kohhran mi tân dîl theih a ni. Hna dîl na form chu ni 12.3.2021 (Zirtâwpni) aţangin Synod Office (Aizâwl leh Lunglei)-ah lâk chhuah theih a ni ang. Dîl na hi Synod Office, Aizawlah theh luh tûr a ni a. Application form man ₹20/- a ni. Hna dîl na form-ah hriat tûr pawimawh tihlan a ni.

1. Aizawl Theological College-a thawk tûr

Hna hming : *Archivist (Regular) – Post 1*
Thiamna : *Graduate of any recognized university preferably with Theological degree recognized by Senate of Serampore College (University).*
Hlawh : PM L-8, ₹19,300/-

2. Family Guidance & Counselling Centre-a thawk tûr

Hna hming : Peon-cum-Chowkidar
(Contract) – Post 1
Thiamna : Class VIII Certificate holder
Hlawh : Synod hnuaiia Contract Grade IV hlawh
Dîl theih hun chhûng : Ni 12.4.2021 (Thawhtanni) 3:00 pm thleng
Screening Test/Exam : Ni 16.4.2021 (Zirtâwpni) 10:00 am
Interview : Ni 22.4.21 (Ningani) Dar 11:00 am

Sd/-

(REV. LIANHMINGTHANGA SAILO)
 Secretary, Synod Service Board
 Synod Office : Aizawl

ADVERTISEMENT

Mizoram Christian College (MCC) Main Building, Tanhrilah sak tur a ni a. Plan & Estimate siamtu tur mamawh a ni.

A duh apiangin a hnuaiia mi ang hian an chanchin Synod Office, Trust Department-ah office hun chhungin ni 15.4.2021 thleng theh luh theih a ni. Plan & Estimate siamtu tur chu Synod Trust Committee-in a thlang ang.

1. Firm hming leh address.
2. Din ţan ni.
3. Hnathawh tawh (Works experience).
4. Thawktu neih dan/dinhmun.
5. Sawrkara registration certificate (Xerox copy).

Sd/-

(REV. LIANHMINGTHANGA SAILO)
 Senior Executive Secretary
 i/c Synod Trust

THUFGTE 13

⁶Dikna chuan pawî sawî lote a vêng tlat a, Suahsualna erawh chuan mi sualte chhiatna a thlen thîn.

⁷Hausa hlea inngai eng mah nei lo an awm a, Pachhiaa inngai haus a hle an awm bawk.

⁸Hausa chuan intlanna tûr sum a nei a, Pachhia erawh chuan vau a tâwk ve lo.

KOHHRAN HMEICHHE INKHAWMPUI LIAN – KHATLAAH

Mizoram Presbyterian Kohhran Hmeichhe Inkhawmpui Lian wawi 49-na chu Khatla Kohhran Biak In, Aizâwlah March ni 10 & 11, 2021 chhûng khân hman a ni.

March ni 10 (Nilaini) zân Pathian Biak Inkhawm chu Pi Lalrinkimi, Inkhawmpui Lian Chairman-in a kaihruai a, Jubilee Souvenir Bu leh Kristian Chhûngkaw Research Booklet tlângzarh a ni a, Synod Moderator Rev. Dr. C. Lalhlira'n Pathian thuchah a sawi a, General Secretary Report leh Bial Report khai khawmna ngaihthlâk a ni bawk.

March 11 zîng dâr 6:30-ah inkhawm a awm leh a, Pi Zoluri Sailo, Central Kohhran Hmeichhe Committee Member-in a kaihruai a, inkhawmpui thupui, 'I chatuan hmun tûr khawiah nge?' tih chu Rev. B. Sângthanga, Executive Secretary i/c Kohhran Hmeichhiain a sawi a. Chhûn lamah rorêl leh kum 2021–2023 chhûnga hruiatu tûr thlan a ni. Zân inkhawm chu Pi Lalrinpuui, Inkhawmpui Lian Vice Chairman-in a kaihruai a, Kristian Chhûngkaw

dinhmun tehna no mawî hlan leh, Kristian Chhûngkaw Golden Jubilee pual drama inziahsiaik leh hla inphuahsiaik result puan niin lâwmmam sem nghal a ni. Rev. Dr. C. Lalhlira, Synod Moderator-in hruiatu thlan tharte chu Pathian hnênah a hlan a, Pi Lalrinkimi, Inkhawmpui Lian Chairman-in Pathian thuchah a sawi. Hripui lêng mêk avângin Inkhawmpui Lianah hian Mizoram chhûnga Bial tin aiawh palai pakhat zêl chauh an kal a ni.

Kum 2020 chhûng khân Mizoram Presbyterian Kohhran Hmeichhe inchhiarna, Bial leh kohhran mal zawmtu 206 an awm a, ni tin chhûng inkhawm nei zât hi za zêlah 68.19 a ni a, buhfaî ţam zât hi za zêlah 98.39 a ni bawk. Kohhran Hmeichhe member zawng zawng 1,83,922 an ni a, member tam berna Bial chu member 2,866 awmna Ramhlun North Bial a ni.

CHANCHIN ŢHA THLEN NI

March ni 15, 2021 (Thawhtanni) kha Mizorama Chanchin Ţha Thlen Ni champha a ni a. Synod Office leh Synod hnuaiia office hrang hrang khâr a ni. Hripui lêng avângin he ni hi kum dang angin hman a remchâng lo va, tualchhûng kohhranin remchâng a tih anga hman a ni. Synod chuan thupui pahni – 'Thil siam zawng zawng hnêna Chanchin Ţha hril' tih leh 'Chanchin Ţha thlentute hlutzia' tih thupui chu zir ho tûrin a siam.

Mizorama Chanchin Ţha Thlen Ni atâna kan hman tâk, March ni 15 hi Mizorama Chanchin Ţha rawn puang hmasa bertu Rev. William Williams-a Mizorama a rawn thlen ni champha a ni. Rev. William Williams-a kha Khasi rama Welsh missionary a ni a, Mizote chanchin a hriatin Mizote hnêna Chanchin Ţha hril a duh hle a. Mizote hnêna missionary ni tûra a lo kal thei lo chungin Mizoram tlawh hrâm a tum a, Silchar DC remruatpuinain sipaiho ruala lo kalin Mizoram a rawn lut a, a hmasa ber atân Mizote zîngah Krista Chanchin Ţha a rawn puang ta a. Rev. William Williams-a'n Mizoram a rawn thlen ni hi, Synod 2012-in a rêl angin Mizoram Presbyterian Kohhran chuan kum 2014 aţangin Mizorama Chanchin Ţha Thlen Niah a hman ta a ni.

MISSIONARY TRAINING COLLEGE HRIATTIRNA

Missionary Training College (MTC)-ah Bachelor of Missiology (B. Miss) zir duh tân dîl theih a ni leh ta. Dîl na Form leh Prospectus hi ₹ 50/- in office hun chhûngin MTC Office aţanga lâk chhuah theih a ni e.

Dîl thei chin : CI XII pass chin
Dîl na theih hun hnukung : 31 March, 2021
Entrance Test : 14 April, '21 (9:30 AM @ MTC)
Interview : 16 April, 2021 (10:30 AM @ Synod Committee Room I)

(*Hemi chungchang hriattirna chhuah tawh khatuna mi ang hian tihdanglam a ni e*)

Sd/- Principal

Missionary Training College
 Mission Vêngthlang

2310157 / 2301337 / 9612164982

CHHIM BIAL

• March ni 3 & 4, 2021 chhûng khân Synod Home Mission School, Bûngtlâng South leh Kawrthindeng ten Teachers' Training an nei a. Resource Person atân Pu Lalhmingmawia, Asst. Area Promoter leh Pu Sadingliana Sailo, Synod Office, Lungleite hman an ni a. He hunah hian Evangelist Teacher 26 kal khawmin, naupang zirtîr dâna subject hrang hrangte zirin hun an hman. Bûngtlâng South Bial Pastor, Rev. P.C. Vânlalfinga leh Pro. Pastor Andrew Lalhruiatluanga ten hun an hmanpui bawk. He Teachers' Training-ah hian Role of Teachers in Teaching tih te, Psychology (Age level) te, Communication in Teaching & Learning Process tih te, Questions Setting tih te, Class Room Management te, Problem Children tih te leh Lesson Plan chungchâng bâkah subject pawimawh hrang hrang thlûr binga zir a ni.

• March 2, 2021 (Thawhlehi) chawhnu dâr 2:30 vêl khân Dârnamtlâng, Bûngtlâng South Bial (Lawngtlai District)-a kan kohhran mi, Pu Auala te chhûngkaw chênna in chu bungrua eng mah chuh hman lohvin a kâng ral vek mai a. He vânduaina chungchângah hian Pu Lalhmingmawia, Asst. Area Promoter leh Pu Sadingliana Sailo, Synod Office, Lungleite chu a hmunah kal nghalin, Bialtu Pastor Rev. Vânlalfinga'n Administrative Secretary Rev. John Râldosanga aiawhin kangmei tuarte hi ţanpuina a pe nghâl. Vânduaitihlâk takin March ni 3, 2021 (Nilaini) khân Kawrthindêng (Bûngtlâng South Bial tho)-ah kan kohhran mi tho, Pu Zawma Rai leh Santi Kumar-te chênna in pawh bungrua eng mah chuh hman lohvin a kâng ral bawk a, anni pawh hi ţanpuina pêk nghâl a ni bawk.

AWMNA SIAMREM

Synod hnuaiia thawktu, Asst. Coordinator leh Coordinator ţhenkhat awmna hetiang siam siam rem a ni:

Pu Lalchhûngliana - *Synfo (Coordinator)-ah dah a ni*
 Upa Lalţahluna Râltê - *Aizâwl Theological College-ah (Asst. Coordinator), Accountant hna a thawk ang.*
 Pu Andrew Vârtê - *Social Front (Asst. Coordinator)-ah dah a ni.*

Tv. Lalhmunzauva Tlau - *MSSU (Asst. Coordinator)-ah dah a ni.*

Nl. Agnes Lalrinzuali - *Synod Mission Board (Asst. Coordinator)-ah dah a ni.*